

«تورک یوردی» نلک آبونلرینه هدییه اولاروق تقدیم
ایده مکی رساله و کتابلرک آدلری و مندرجه لری
قیاغلک اویغنجی و دردنجی صحیفه لرینه باصیلیمشور.

تورک یوردی

ناشری : تورک یوردی
مدیری : آق چوره اوغلی یوسف

۱۸ آغستوس ۱۳۳۲ ییل ۵ جلد ۱۰ صانی ۱۱۶
۱۲ صانی ۱۳۳۲ ییل ۱۹۱۶

تورکک فکرک ارمانک یل دورومی — توفیق فکرک کچن ییل آغستوسک ۶ نجی جمعه ایرتسی کونی صباحین وفات ایتشدی . بوییل عین کونده مرحومک دوستلری ، او صاحبه سنک دعوتیه کیدوب « آشیان » ی زیارت ایتدیله . استانبولک کوندهک غزته لری او کونکی وایرتسی کونکی نسخهلرند بویوک عثمانلی شاعرینی آکدوق مقاله لر یازدیله . دارالشفقہ طلبه سی کیدوب قبرینی زیارت ایتدی . خلقمز ومطبوعاتمز بویوک اولولرینی اونوتماق یولینه کیرمه یه باشلامشدر .

اسکدارده تورک اوواجی — تورکک ملی تربیه لریه اوغراشمق وعلمی ، اجتماعی ، اقتصادی سویه لرینک یوکسلمه سینه چالیشمق واستانبول تورک اوواجنک پروغرامنه تابع اولمق اوزره اسکدارده برتورک اوواجنک قورولدینی استخبار قلمشدر . عثمانلی تورک مملکتینده اصل مرکز صاییلان استانبول — بایزید تورک اوواجندن بشقه ۲۴ تورک اوواجی وار ایدی . بواسکدار تورک اوواجی یکریمی بشنجی اوواجقدر . بوسوگ اوواجنکده مؤسسارینه موفقیت دیله مک « تورک یوردی » نک بورجیدر .

کنج درنکلی — تورک کنجکلی کوربوز یتشدرمک ایچون اوچ ، دورت سنه در چالیشیلور . تورک کوچلری ، ایزجی اوواجلری ، ادمان یوردلری قورولمشدی . بوحرکتک صوک وبالنسبه ده ا مکمل نتیجه سی « کنج درنکلی » در . باشنده میرآلای فون هوف بک ایله سلیم سری بک بولونان « کنج درنکلی » تشکیلاتی شدی یه قدر ایدیلن تشبث وتجربه لریک جدی وصاغلامی در . بوسنه کنج درنکلی رهبر ومعلملرینه دارالفنون قونفرانس صالوننده اونبش کون قدر نظری درس لر ویریلدی . صوکرارهبر ومعلملرک شفاهی وتحریری امتحانلری ایدلای .

کنج درنکلی تطبیقاتنه دائرسینه ما کوستریلیدی . درنک تشکیلاتی موقت برقانون ایله رسمیلشدر یلشدر . اکثر مملکتلرده اولدینی کبی ، حرییه نظارتی بو تشکیلات ایله علاقه داردر . کنج درنکلینک قانونی ایله تعلیماتنامه سی بر مجموعه شکلنده باصیلوب طاغیلدینی کبی ، آیده بردفه کنج درنکلی مجموعه سی آدلی بر رساله ده نشر ایدیلکده در . عثمانلی کنج درنکلی مفتش عمومسی میرآلای فون هوف بک مطبوعاته کوندردیکی بر بیاننامه ده کنج درنکلی تعلیماتنامه سنک هرکس طرفندن وخصوصیه مکتب معلملری ، ضابطلر ، ضابط نامزدلری ، کوچو ، ضابطلر ، طیبیلر وعسکری مأمورلر طرفندن آلیوب او قونله سی توصیه ایدیور . مجموعه غایت او جوز ، برنجی جزئی یالکیز ۱۵ پاره ، ایکنجیسی ده ۳۰ پاره فیثاله صائیلماقده در . بزده کندی طرفزدن ، یاشامق غوغاسنده یکیلمه مه یه عزم ایدن ملتیزک کنج درنکلی تشکیلاتنه لایق اولدینی اهمیتله باقاسنی شدتله توصیه ایتمی تیورککک وظیفه لرندن بیلیمکده یز .

مکتب بحریه شاهانه نک اصولی — هکبه لی آطه ده بولونان مکتب بحریه شاهانه نک عصریمزک احتیاجات وتجدداتنه موافق صورتده اصلاحه قرار ویریلوب بوتون درس پروگراملری توسیع اولمش وطلبه نک شرائط حیاتیه سی انکشاف بدنی وفکرکی سنه ده اویغون بر حاله قونلغه چالیشلمش وده ا جدی مسلك آدملری یتشدر یلک ایسته نیلشدر . بونک ایچون مکتبی ایکی شعبه یه آیرمق ایجاب ایتدیکندن هکبه لیده کی مکتب یالکیز کوکرت ضابطی یتشدر مکّه تخصیص قلمش ، حرب کیلرینک درلو ما کنه لرینی حربده اداره وحال صلحه اعمال ایده بیله جک چرخجی ضابطی یتشدر مک ایچون ده شمیدیلک خلیجده

ترسانه عامه داخلنده بر عالی مکتب تأسیس اولمیشدر. هرایکی شعبه نك بوتون حاضرانی اكمال ایدیش اولوب درسله باشلانیمق اوزره در. بحریه نظارت جلیله سنك بومهم تشبته موفق اوله سنی دیله در، وتورك كنجلرینه ده فرصتدن استفاده ایدمرك بویوك یوردیمزك اطرافنی قوشاتمش دكزده آنا وبابالری کی نام شان المق ایچون بو دکیزلیلر یوردینه کیرمه لرینی توصیه ایدرز.

تورکستانه سیپییه تورککرینك عسکرلکی. — پترسبورغدن کلن بر خبره کوره روسیه جاری بر امرنامه نشر ایدمرك آوروپا وآسیا قطعه لرنده ساکن روس تبعه سی کوجه لوك ۱۹ الی ۴۳ یاشنده بولان ارککلرینی سلاح آلتیه چاغیرمیشدر. مبعوث کوجه لوك جوغسی تورک جنسنددر. روسیه ده ساکن تورک — اسلام قوملرینك ایدیل حوضه سندن تجارت وصنعتله داغیلوب جوغی مختلف شهرلرده یرله شمش اولان شمال تورکلرندن غیریسی شمیدی به قدر خدمت مکلفیه تابع دکلدیلر. تورکمن، اوزبک وقیرغیزلرک کوجه لری دکل اوطورمش اولانلری ده عسکره چاغیریلما دینی کی سییریاده یاشایان وبوخاریست نامی آلان بر قسم تجار تاتار قیله لری ده عسکرلکه آلیمازدی. واقعا تورککلردن «میلیس» دنیلن بر نوع یاری منتظم سواری عسکری ترتیب ایدیش ایدیه ده بوتشکیلات، خدمت محبوره اساسنه استناد ایتیموردی. بازدیغمز تلغراف خبری دوضری ایسه، بوندن بویه یوقارداش لریمزد روس اردوسنده منتظم عسکرلکه اجار ایدیلیور، دیمکدر. اورتا آسیا تورک قیله لری آلتی میلیون، روسیه تابعیتده کی قیرغیز — قازاقلر آلتی وبوخاریستلرده لاقل بر میلیون اولدیغه کوره اون اوچ میلیون اسلام تورکلرک آراسندن سه چوب آلاچقدرکه بونک یانه سیپییه ده ساکن غیر اسلام تورک قیله لرینی ده ضم ایدم رسه ک بویوك بریکون تشکیل ایدر.

اورته آسیا وسیپییه تورکلرینك عسکرلکی مسئله سی، برقاچ سندن بری شمال تورکلری آره سنده قونوشلمقده ایدی. بعض کیمسه لر، اونلرک عسکرلکنی تورککلک منافعه موافق ظن ایتدیکلری حالده بعض کیمسه لرده عکسنی ادعا ایدیورلردی. دینداش وقانداش لریمزه خدمت عسکرینه نك تشمیلی تورککلک منافعه موافق کورنلر، وظیفه عسکریه به مقابل اهلیت حقنک طلبنه، مثلا مبعوث اتخانی حقنک استردادینه یول آجیلاجفی ظن ایدیورلردی. عکسنی دوشونلر، حربلرده اجتنابی غیر قابل ضایعاتی کوز اوکنه کتیرمکده ایدیلر. بوکون پک بویوك وپک قورقونج بر حرب ایچنده بولدیغمزدن یوقارداش لریمزک عسکرلکی علیهنده دوشونلرک دلیلی البته ها قوتلیدر. چارک امرنامه سی حرب صفرلنده آجیلان بوشلقلری تولدیررکن ممکن اولدینی قدر اصل روس عنصرینی اسیرکه مه به معطوفدر. هله شو صیره لرده حرب صفنه چارچابوق عسکر یتشدیرمک محبورتی، تعلیم و تربیه ده استعجالی موجددر. زواللی عرقداش لریمز حرب حاضرک هر دورلو الجا آتیه حقيله حاضر لانیقسنزین آتش اوکنه سوق ایدیلر جکلر وبوندن دولایی بالنسبه ده آغیر ضایعاته اوزرایه جقلردر. حاصلی روس چارینك بو امرنامه سی ده، روس حکومتنك اچوق اجرا آتی کی، تورک عرقنک ضررینی مؤدی اولمق اوزره ترتیب اولومیشدر. ده ها صوک کلن تلغرافلردن اورتا آسیا ده بو امرنامه به قارشنی نا راضیلق حسلری کوستریلدی و بونک اوزرینه مشهور جنرال «قوروپاتکین» ک اورالر والی عمومی تعین ایدیلدی آکلاشلیور.